



正本論語集解


三



内閣文庫			
番號	漢	2073	
冊數	4 (3)		
函號	別	33	1







論語子路第十三

何晏集解凡九章

子路問政子曰先之勞之

孔安國曰先導

之以德使民信之然後勞之也
易曰悅以使民民忘其勞之也請

益曰無倦

孔安國曰子路嫌其少故請益曰無倦者行此

上事無倦則可也

仲弓為季氏宰問政子

曰先有司

王肅曰言為政當先任有司而後責其事也

赦小過舉賢才曰焉知賢才而舉

之曰舉爾所知爾所不知入其舍

諸孔安國曰汝所不知者人將自舉之各舉其所知則賢才無遺

也子路曰衛君待子而為政子將

奚先苞氏曰問往將何所先行也子曰必也正

名乎馬融曰正正名也子路曰有是哉

子之迂也奚其正名苞氏曰迂猶遠也言孔子之言

遠於事也子曰野哉由也孔安國曰野猶不達也

君子於其所不知蓋闕如也苞氏曰君

子於其所不知當闕闕而勿據今由不知正名之義而謂之迂遠也

名不正則言不順言不順則事不

成事不成則禮樂不興禮樂不興

則刑罰不中

孔安國曰禮以安上樂以移風二者不行

則有淫刑
濫罰也

刑罰不中則民無所措

手足故君子名之必可言也言之

必可行也

王肅曰所名之事必可得而明言也所言之事

必可得而
遵行也

君子於其言無所苟而

已矣樊遲請學稼子曰吾不如老

農請學為圃子曰吾不如老圃

馬融

曰樹五穀曰稼
樹菜蔬曰圃也

樊遲出子曰小人

哉樊須也上好禮則民莫敢不敬

上好義則民莫敢不服上好信則

民莫敢不用情

孔安國曰情情實也言民化其上各

以情實
應也

夫如是則四方之民襁負

其子而至矣。焉用稼。

苞氏曰禮義與信足以成

德何用學稼教民乎。負者以器曰襁也。

子曰誦詩三

百授之以政不達使於四方不能

專對雖多亦奚以為哉。

專猶獨也。

子曰其

身正不令而行其身不正雖令不

從。

令教令也。

子曰魯衛之政兄弟也。

苞氏

曰魯周公之封衛康叔之封也周

公康叔既為兄弟康叔睦於周公

其國之政亦

如兄弟也。

子謂衛公子荆善居

室。

王肅曰荆與蘧瑗史鮪並為君子也。

始有曰苟合

矣少有曰苟完矣富有曰苟美矣。

子適衛冉有僕。

孔安國曰孔子之衛冉有御也。

子

曰庶矣哉。

孔安國曰庶衆也。言衛民衆多也。

冉有

曰既庶矣又何加焉曰富之曰既

富矣又何加焉曰教之子曰苟有

用我者期月而已可也三年有成

孔安國曰言誠有用我於政事者期月而可以行其政教必三年乃

有成子曰善人為邦百年亦可以

勝殘去殺矣王肅曰勝殘勝殘暴之人使不為惡也去

殺不用刑殺也誠哉是言也孔安國曰古有此言故孔

子信也子曰如有王者必世而後仁

孔安國曰三十年曰世如有受命王者必三十年仁政乃成也子

曰苟正其身矣於從政乎何有不

能正其身如正人何子退朝周生

烈曰謂罷朝於魯君也子曰何晏也對曰有

改馬融曰改政者有三子曰其事也馬

日事者凡所如有政雖不吾以吾行常事也

其與聞之馬融曰如有政非常之事我為大夫雖不見任

用必當定公問一言而可以興邦與聞之

有諸孔子對曰言不可以若是其

幾也王肅曰以其大要一言不能

可以興人之言曰為君難為臣不易國也

如知為君之難也不幾乎一言而

與邦乎孔安國曰事不可一言而成也知如此則可近也

曰一言而可以喪邦有諸孔子對曰

言不可以若是其幾也人之言曰

予無樂乎為君唯其言而樂莫予

違也

孔安國曰言無樂於為君所樂者唯樂其言而不見違也

如其善而莫之違也不亦善乎如

不善而莫之違也不幾乎一言而

喪邦乎

孔安國曰人君所言善無違之者則善也其所言不

善而無敢違之者則近一言而喪國也

則葉公問政子

曰近者悅遠者來子夏為莒父宰

問政

鄭玄曰舊說曰魯下邑也

子曰毋欲速

毋見小利欲速則不達見小利則

大事不成

孔安國曰事不可以速成而欲其速則不達矣

見小利妨大事則大事不成也

葉公語孔子曰吾

黨有直躬者

孔安國曰直躬者直身而行也

其父

攘羊而子證之

周生烈曰有目而盜曰攘

孔子

曰吾黨之直者異於是父為子隱

子為父隱直在其中矣樊遲問仁

子曰居處恭執事敬與人忠雖之

夷狄不可棄也

苞氏曰雖之夷狄無禮義之處猶不

可棄去而不行也

子貢問曰何如斯可謂

之士矣子曰行已有恥

孔安國曰有恥有所

不為也

使於四方不辱君命可謂士

矣曰敢問其次曰宗族稱孝焉鄉

黨稱悌焉曰敢問其次曰言必信

行必果硜硜然小人也抑亦可以

為次矣

鄭玄曰行必果所欲行必敢為之硜硜者小人之貌

也抑亦其次言可以為次也

曰今之從政者何

如子曰噫斗筭之人何足筭也

鄭玄

日噫心不平之聲也筭竹器容斗二升者也

子曰不

得中行而與之必也狂狷乎

苞氏曰中

行行能得其中者也言不得中行則欲得狂狷也

狂者進

取狷者有所不為也

苞氏曰狂者進取於善道

狷者守節無為欲得此二人也子曰

南人有言曰人而無恒不可以作

巫醫

孔安國曰南人南國之人也鄭玄曰言巫醫不能治無常

也之人善夫

苞氏曰善南人之言也不恒其德

或承之羞

孔安國曰此易恒卦之辭也言德無常則羞辱

承子曰不占而已矣

鄭玄曰易所以占吉凶也

無恒之人易所不占也

子曰君子和而不同

小人同而不和

君子心不和，然其所見各異，故曰不同。

小人所嗜好者同，然各爭其利，故曰不和也。

子貢問曰

鄉人皆好之，何如？子曰：未可也。鄉

人皆惡之，何如？子曰：未^未可也。不如

鄉人之善者好之，其不善者惡之

也。孔安國曰：善人善己，惡人惡己，是善善明，惡惡著也。子曰

君子易事而難悅也

孔安國曰：不責備於一人

故事也。悅之不^易道不悅也。及其使

人也，器也。

孔安國曰：度才而任官也。

小人難事

而易悅也。悅之雖不^悅道悅也。及

其使人也，求備焉。子曰：君子泰而

不驕，小人驕而不泰。

君子自縱泰，似驕而不驕。

小人拘忌而實自驕矜也。子曰：剛毅木訥近仁。

王肅曰：剛，無欲也。毅，果敢也。木，質樸也。訥，遲鈍也。有此四者，近於仁。

也。子路問曰：何如斯可謂之士矣。

子曰：切切偲偲怡怡如也，可謂士

矣。朋友切切偲偲，兄弟怡怡如也。

馬融曰：切切，偲偲，相切責之貌也。怡怡，和順之貌也。子曰：善

人教民七年，亦可以即戎矣。苞氏曰：即

戎，就兵可也。子曰：以不教民戰，是謂

棄之。馬融曰：言用不習之民，使之攻戰，必破敗，是謂棄之也。

論語憲問第十四 何晏集解 凡四章 九世四章

憲問恥。子曰：邦有道，穀。孔安國曰：邦

有道，當食其祿也。邦無道，穀，恥也。孔安國曰：君無

道而在其朝食剋伐怨欲不行焉

其祿是恥辱也剋伐怨欲不行焉

可以為仁矣馬融曰剋好勝人也子曰可以為難矣仁則

吾不知也荀氏曰此四者行之子

曰士而懷居不足以為士矣志道

不求安而懷其居非士也子曰邦有道危言危

行荀氏曰危厲也邦有邦無道危

行言遜遜順也厲行不隨子曰有

德者必有言德不可以憶中有言

者不必有德仁者必有勇勇者不

必有仁南宮适孔安國曰适南宮

問於孔子曰羿善射奭盪舟孔安

羿有窮之君也。夏后相之位，其
目寒涎殺之，因其室而生稟，稟多
力，能陸地行舟，為
夏后少康所殺也。俱不得其死然。

孔安國曰：此二子者，皆不得以壽終也。禹稷躬稼而

有天下，夫子不答。馬融曰：禹盡力於溝洫，稷播殖

百穀，故曰躬稼也。禹及其身，稷及後世，皆王也。造意欲以禹稷比孔

子，孔子謙，故不答也。南宮适出，子曰：君子哉。

若人尚德哉若人。孔安國曰：賤不義而貴有德，故

子曰：君子而不仁者有矣夫。子曰：君子而不仁者有矣夫。

未有小人而仁者也。孔安國曰：雖曰君子，猶未

能備也。子曰：愛之能勿勞乎？忠焉能

勿誨乎？孔安國曰：言人有所愛，必欲勞來之，有所忠，必欲教

也。誨之。子曰：為命卑謹，草創之。孔安國曰：也。

卑謹鄭大夫名也。謀於野則獲。謀於國則否。鄭國將有諸侯之事，則使乘車以適野而謀作盟會之辭也。世叔討論之行。

人子羽脩飾東里子產潤色之。融馬

曰世叔鄭大夫游吉也。討治也。卑謀既造謀世叔復治而論之詳而

審之也。行人掌使之官也。子羽公孫揮也。子產居東里因以為號也。

更此四賢而成。故鮮有敗事也。或問子產子曰惠

人也。孔安國曰惠愛也。問子西曰

彼哉彼哉。馬融曰子西鄭大夫彼哉彼哉言無足稱也。或

曰楚令尹問管仲曰人也。猶詩言子西也。所謂伊

也。人奪伯氏駢邑三百飯蔬食沒齒

無怨言。孔安國曰伯氏魯大夫駢邑地名也。齒年也。伯氏食

邑三百家管仲奪之使至蔬食子而沒齒無怨言以當其理故也。

曰貧而無怨難富而無驕易子曰

孟公綽為趙魏老則優不可以為

藤薛大夫也孔安國曰公綽魯大夫也趙魏皆晉卿也

家臣稱老公綽性寡欲趙魏貪賢家老無職故優藤薛小國大夫職

煩故不子路問成人曰若臧武仲

之智馬融曰魯大夫臧孫紇也公綽之不欲馬融

曰魯大夫孟公綽也周生烈曰卞莊子之勇卞邑大夫

也也非求之藝文之以禮樂孔安國曰加之

以禮樂文成也亦可以為成人矣曰今之

成人者何必然見利思義馬融曰義然後

取不苟得也見危授命久要不忘平生

之言亦可以為成人矣孔安國曰久要舊約

也平生猶少時也。子問公叔文子於公明

賈曰信乎夫子不言不笑不取乎

孔安國曰公叔文子衛大夫公孫拔也文謚也公明賈對

曰以告者適也夫子時然後言人

不厭其言也樂然後笑人不厭其

笑也義然後取人不厭其取也子

曰其然豈其然乎馬融曰義其得道嫌其不能悉

也然子曰臧武仲以防求為後於魯

雖曰不要君吾不信也孔安國曰防武仲故

邑也為後立後也魯襄公三十三年武仲為孟氏所譖出奔邾自邾

如防使以大蔡納請曰統非敢害也智不足也非敢私請苟守先祀

無廢二勳敢不避邑乃立臧為子統致防而奔齊此所謂要君也

曰晉文公譎而不正

鄭玄曰譎者詐也謂召於

天子而使諸侯朝之仲尼曰以臣召君不可以訓故書曰天王狩于

河陽是譎也齊桓公正而不譎馬融曰伐而不正也

楚以公義責苞茅之貢不入問昭王南征不還是正而不譎也子

路曰桓公殺公子糾召忽死之管

仲不死曰未仁乎

孔安國曰齊襄公立無常鮑叔

牙曰君使民慢亂將作矣奉公子小白出奔莒襄公從弟公孫無知

殺襄公管夷吾召忽奉公子糾出奔魯齊人殺無知魯伐齊納子糾

小自自首先入是為桓公乃殺子糾召忽死也子曰桓公

九合諸侯不以兵車管仲之力也

如其仁如其仁孔安國曰誰如管仲之仁矣子

貢曰管仲非仁者與桓公殺公子

糾不能死，又相之。子曰：管仲相桓

公，霸諸侯，一匡天下。

馬融曰：匡，正也。天子微弱。

桓公率諸侯以尊周室，一匡天下也。

民到于今受其

賜。

受其賜者，謂不被駁左衽之惠也。

微管仲，吾其

被髮左衽矣。

馬融曰：微，無也。無管仲，則君不君，臣不臣。

皆為夷狄也。豈若匹夫匹婦之為諒也。

自經於溝瀆，而莫之知也。

王肅曰：經，死。

於溝瀆之中也。管仲召忽之於公，子糾君臣之義未正成，故死之未

足深嘉，不死未足多，非死既難，亦在於過厚，故仲尼但羨管仲之功。

亦不言召忽不當死也。

公叔文子之臣大夫

僎與文子同升諸公。

孔安國曰：大夫，僎，本文子。

家臣也。薦之使與已並為大夫，同升在公朝也。

子聞之曰：

可以為文矣

孔安國曰行如子曰

衛靈公之無道也人康子曰夫如是

奚而不喪孔子曰仲叔圍治賓客

祝鮀治宗廟王孫賈治軍旅夫如

是奚其喪

孔安國曰言君雖無道所任者各當其才何為

當亡乎也子曰其言之不作則其為之

難也

馬融曰作慙也內有其實則言之不慙積其實者為之難

也陳成子殺簡公孔子沐浴而朝

告於哀公曰陳桓恒殺其君請討之

馬融曰陳成子齊大夫陳桓恒也公將告君故先齋齊沐浴也

曰告夫二三子

孔安國曰謂三卿也孔子曰

以吾從大夫之後不敢不告也君

曰告夫二三子者馬融曰我於禮當告君不當告

二三子君使我之二三子告不可往故復往也

孔子曰以吾從大夫之後不敢不

告也馬融曰孔子由君命之二三子告不可故復以此辭語之而止

也子路問事君子曰勿欺也而犯

之孔安國曰事君之道義不可欺當能犯顏色諫爭也子曰

君子上達小人下達本為上末為下也子

曰古之學者為己今之學者為人

也孔安國曰為己履而行也無為人徒能言之也遠伯玉

使人於孔子孔子與人坐而問焉

孔安國曰伯玉曰夫子何為對曰衛大夫蘧瑗也

夫子欲寡其過而未能也言夫子欲寡其

孔安國曰
不越其職

過而未能
無過也
使者出
子曰使乎使乎

陳群曰
無言使乎善
之也言使得其人也
子曰不在其

位不謀其政
曾子曰君子思不出

其位
子曰君子恥其言之過其行

也
子曰君子道者三我無能焉仁

者不憂知者不惑勇者不懼
子貢

曰夫子自道也
子貢方人
孔安國曰比方

也
子曰賜也賢乎我夫我則不暇

孔安國曰不暇
比方人也
子曰不患人之不已

知患已無能也
王肅曰徒患
子曰

不逆詐不億不信
抑亦先覺者是

賢乎
孔安國曰先覺人情者是寧
能為賢乎或時反怨人也

微生畝謂孔子曰丘何為是栖栖

者與無乃為佞乎苞氏曰微生姓也畝名也孔

子對曰非敢為佞也疾固也苞氏曰疾

世固陋欲行道以化人也子曰驥不稱其力稱

其德也鄭玄曰德者謂調良之德也或曰以德

報怨何如子曰何以報德德恩惠之德也

以直報怨以德報德子曰莫我知

也夫子貢曰何為其莫知子也子貢

怪夫子言何為莫知已故問也子曰不怨天不尤

人馬融曰孔子不用於世而不怨天人不知已亦不尤人也下

學而上達孔安國曰下學人事上知天命也知我

者其天乎聖人與天地合其德故曰唯天知己也公

伯寮想子路於季孫

馬融曰想謂也伯寮魯人也

弟子子服景伯以告

馬融曰魯大夫子服何忌

也告告曰夫子固有惑志

孔安國曰季孫

信讒恚於公伯寮也吾力猶能肆

諸市朝

鄭玄曰吾勢能辨子路之無罪於季孫使之誅伯寮

刑陳其尸曰肆也子曰道之將行

也與命也道之將廢也與命也公

伯寮其如命何子曰賢者避世

孔安

得而臣之也其次避地

馬融曰去亂國適治

也邦其次避色其次避言

也孔安國曰有子曰作者七人矣

荀氏

築禁日作為也為之者凡七人謂長沮

也。接與興。子路宿於石門。石門晨門曰。

奚自。晨門者閭人也。子路曰：自孔氏。曰：是

知其不可而為之者與。荀氏曰：言孔子知世

不可為而強為之也。子擊磬於衛。有荷簣而

過孔子之門者。曰：有心哉擊磬乎。

簣，草器也。有心謂契契然也。既而曰：鄙哉硜硜

乎。莫已知也。斯已而已矣。此硜硜徒信已

而已。言亦無益也。深則厲，淺則揭。荀氏曰：以衣涉

水為厲。揭，揭衣也。言隨世以行已。若遇水必以濟。知其不可，則當不為

也。子曰：果哉。末之難矣。末，未知已志而便譏已

所以為果也。末，無也。無以難者，以其不能解已道也。子張曰：

書云：高宗諒陰，三年不言。何謂也。

孔安國曰高宗毅之中興王
子曰武丁也諒信也陰猶默也

何必高宗古之人皆然君薨百官

總已

馬融曰已百官也

以聽於冢宰三年

孔安國曰冢宰天官佐王治者也三年喪畢然後王自聽政也子

曰上好禮則民易使也

民莫敢不敬故易使

也之
子路問君子子曰脩己以敬人

孔安國曰敬其身也曰如斯而已乎曰脩己

以安人

孔安國曰人謂朋友九族也

曰如斯而

己乎曰脩己以安百姓脩己以安

百姓堯舜其猶病諸

孔安國曰病猶難也原

壤夷俟

馬融曰原壤魯人孔子故舊也夷踞也俟待也踞待

也孔子子曰幼而不遜悌長而無述

焉老而不死，是為賊。

賊為賊害也。

以杖

叩其脛。

孔安國曰：叩，擊也。脛，脚脛也。

闕黨童子

將命矣。

馬融曰：闕黨，童子將命者。傳賓主之語，出入之也。

或問之曰：益者與？子曰：吾見其踞

於位也。

童子隅坐無位，成人乃有位也。

見其與先

生並行也，非求益者也。欲速成者

也。

苞氏曰：先生成人也。並行，不若在後也。違禮，欲速成者也。則非

求益者也。

論語卷第七

經二千三百九十四字
注二千五百五十六字

論語衛靈公第十五

何晏集解

九卅章
三十

衛靈公問陳於孔子

孔安國曰軍陳行列之法

也孔子對曰俎豆之事則嘗聞之

矣

孔安國曰俎豆禮器也

軍旅之事未之學

也

鄭玄曰萬二千五百人為軍五百人為旅軍旅未事本未立則

不可教以末事也

明日遂行在陳絕糧從

者病莫能興

孔安國曰從者弟子也興起也孔子去衛

如曹曹不容又之宋遭匡人之難又之陳會吳伐陳陳亂故乏食也

子路愠見曰君子亦窮乎子曰君

子固窮小人窮斯濫矣

濫溢也君子固亦有

窮窮時但不如小人窮窮濫溢為非也子曰賜也汝以

予為多學而識之者與對曰然

孔安

國曰然謂多學而識之也

非與

孔安國曰問曰今不然邪也

非也予一以貫之

善有元事有會天下殊塗而同

歸百慮而一致知其元則衆善子舉矣故不待多學一以知之也

曰由知德者鮮矣

王肅曰君子固窮而子路愠見

故謂之少於知德者也

子曰無為而治者其

舜也與夫何為哉恭己正南面而

已矣。言任官得其人。子張問行。子

曰：言忠信，行篤敬，雖蠻貊之邦，行

矣。言不忠信，行不篤敬，雖州里，行

乎哉？鄭玄曰：方二千五百家為州。五家為隣，五隣為里，行乎哉。

言不可行也。立則見其參然於前也，在

輿則見其倚於衡也，夫然後行也。

苞氏曰：衡，扼也。言思念忠信，立則常想見參然在前，在輿則若倚衡也。

扼也。子張書諸紳。孔安國曰：紳，大帶也。子曰：直

哉！史魚。孔安國曰：衛大夫史鱗也。邦有道如矣。

邦無道如矢。孔安國曰：有道無道，行直如矢，不曲也。

君子哉蘧伯玉！邦有道則仕，邦無

道則可卷而懷也。苞氏曰：卷而懷，謂不與時政，柔

順不忤
於人也
子曰可與言而不與言失

人不可與言而與言之失言知者

不失人亦不失言子曰志士仁人

無求生以害仁有殺身以成仁安孔

國曰無求生而害仁死而後成
仁則志士仁人不愛其身也子

貢問為仁子曰工欲善其事必先

利其器居是邦也事其大夫之賢

者友其士之仁者也孔安國曰言
工以利器為

用人以賢
友為助也顏淵問為邦子曰行夏

之時據見萬物之生以為四
時之始取其易知也乘殷

之輅馬駟曰殷車曰大輅左傳
曰大輅越席也昭其儉也服

周之冕苞氏曰冕禮冠也周之禮
文而備也取其難續塞耳

不任視樂則韶舞韶、舜樂也、盡善

放鄭聲遠佞人鄭聲淫佞人殆孔安

國曰、鄭聲佞人、亦俱能感人心、與雅樂賢人同、而使人淫亂危殆、故

當放子曰人而無遠慮必有近憂遠也

子曰已矣乎吾未見好德如好色

者也子曰臧文仲其竊位者與知

王肅曰君子當思慮而預防之

柳下惠之賢而不與立也孔安國曰、柳柳下

惠、展禽也、知其賢而不舉、為竊位也子曰躬自厚而

薄責於人則遠怨矣孔安國曰、自責已厚、責人

薄、所以遠怨、咎也子曰不曰如之何孔安國曰、

不曰如之何者、猶不曰奈是何也如之何者吾未

如之何也已矣孔安國曰、如之何者、言禍難已成、吾

亦無如也。子曰：群居終日，言不及義。

好行小慧，難矣哉。鄭玄曰：小慧，謂小小才知也。難

矣哉，言終無成也。子曰：君子義以為質，禮

以行之，遜以出之，信以成之。君子

哉。子曰：君子病無能焉，不病人之

不已，知也。子曰：君子疾沒世而名

不稱焉。疾，猶病也。子曰：君子求諸己，小

人求諸人。君子責己，小人責人也。子曰：君子

矜而不爭，群而不黨。孔安

國曰：黨，助也。君子雖衆，不子曰：君

子不以言舉人。菴氏曰：有言者，不

言舉人也。不以人廢言。子貢問曰：有一

鄭玄曰：義以為質，謂操行也。孫以出之，謂言語

菴氏曰：君子之人，但病無聖人之道，不病人不知已。

王肅曰：不以無德而廢善言。

言己之所惡勿
加施於人

言而可以終身行者乎子曰其怒

乎已所不欲勿施於人也子曰吾

之於人也誰毀誰譽如有可譽者

其有所試矣苞氏曰所譽輒試以

斯民也三代之所以直道而行也

馬融曰三代夏殷周也用民如此無所阿私所以云直道而行也

子曰吾猶及史之闕文也苞氏曰古之史

於書字有疑則闕之以待知者也有馬者借人乘

之今則亡矣夫苞氏曰有馬不能調良則借人使習

之孔子自謂及見其人如此至今無有矣言此者以俗多穿鑿也

子曰巧言亂德小不忍亂大謀孔安

國曰巧言利口則亂德子曰衆惡義小不忍則亂大謀也

之必察焉。衆好之必察焉。王肅曰或衆阿

童比周或其人特立不子曰人能

弘道非道弘人也。王肅曰材大者道隨大材小者道隨小

故不能弘人也子曰過而不改是謂過矣

子曰吾嘗終日不食終夜不寢以

思無益不如學也。子曰君子謀道

不謀食耕也餒在其中矣學也祿

在其中矣。君子憂道不憂貧也。鄭玄

曰餒餓也言人雖念耕而不學故

人學子曰知及之仁不能守之雖

得之必失之。苞氏曰知能及治其官而仁不能守雖得

之必失知及之仁能守之不能以

蒞之則民不敬

苞氏曰不嚴以臨之則民不敬從其上

也知及之仁能守之莊以蒞之動

之不以禮未善也

王肅曰動必以禮然後善也

子曰君子不可小知而可大受也

小人不可大受也而可小知也

子君

之道深遠不可以小了知而可大受也小人之道淺近可以小了知

而不可大受也子曰民之於仁也甚於水

火

馬融曰水火與仁皆民所仰而生者也仁最為甚也

水火

吾見蹈而死者矣未見蹈仁而死

者也

馬融曰蹈水火或時殺人蹈仁未嘗殺人

子曰

當仁不讓於師

孔安國曰當行仁之事不復讓於師

行仁

子曰君子貞而不諒

孔安國曰真正

也諒信也君子之人力正
其道耳言不必信也
子曰事君

敬其事而後其食
孔安國曰先盡力然後食祿也

子曰有教無類
馬融曰言人在見教無有種類也

子曰道不同不相為謀子曰辭達

而已矣
九事莫過於實足也辭達則足矣不煩文艷之辭也

師冕見
孔安國曰師樂人及階子

曰階也及席也子曰席也皆坐子

告之曰某在斯某在斯
孔安國曰歷告以坐

中人姓字及所在處也師冕出子張問曰與

師言之道與子曰然固相師之道

也
馬融曰相導道也

論語季氏第十六
何晏集解九十四章

季氏將伐顓臾，冉有、季路見於孔

子曰：季氏將有事於顓臾。

孔安國曰：顓臾

宓義之後，風姓之國，本魯之附庸。當時臣屬魯，季氏貪其地，欲滅而

有之，冉有與季路為孔子曰：求無

乃爾是過與。孔安國曰：冉求為季氏宰，相其室，為之聚

斂，故孔子獨夫顓臾昔者先王以

為東蒙主。

孔安國曰：使主祭蒙山也。

且在邦域

之中矣。

孔安國曰：魯七百里之邦，顓臾為附庸，在其域中也。

是社稷之臣也，何以為伐也。

孔安國曰

已屬魯為社稷之臣，何用滅之為也。

冉有曰：夫子欲

之，吾二臣者皆不欲也。

孔安國曰：歸咎於季

也。孔子曰：求，周任有言曰：陳力就

列不能者止

馬融曰周任古之良吏也言當陳才勳度

已所任以就其位不能則當止也

危而不持顛而

不扶則將焉用彼相矣

苞氏曰言輔相人者

當能持危扶顛若不能何用相為也

且爾言過矣虎

兕出於柙龜玉毀於楨中是誰之過

與也馬融曰柙檻也楨楨也非典守者之過邪也

冉有曰

今夫顓臾固而近於費

馬融曰固謂城郭完

堅兵甲利也費季氏之邑也

今不取後世必為

子孫憂孔子曰求君子疾夫

孔安國曰

疾如汝舍曰欲之而必更為之辭

孔安國曰舍其貪利之讒更作佗辭是所疾也

丘也聞有

國有家者不患寡而患不均

孔安國曰

國者諸侯家者卿大夫也。不患土地人民之寡少，患政治之不均也。

不患貧而患不安。

孔安國曰：憂不能安民耳。民安

則國富也。

蓋均無貧，和無寡，安無傾。

荀氏

曰：政教均平，則不患貧矣。上下和同，不患寡矣。小大安寧，不傾危也。

夫如是，故遠人不服，則修文德以

來之。既來之，則安之。今由與求也。

相夫子，遠人不服，而不能來也。邦

分崩離析，而不能守也。

孔安國曰：民有異心。

曰：分，欲去曰崩。不可會聚曰離。折也。

而謀動干戈於

邦內。

孔安國曰：干，楯也。戈，戟也。

吾恐季孫之憂

不在於顓臾，而在蕭牆之內也。

鄭

曰：蕭之言肅也。蕭牆謂屏也。君臣相見之禮，至屏而加肅敬焉。是以

謂之蕭牆後季氏之家
臣陽虎果囚季桓子也
孔子曰天

下有道則禮樂征伐自天子出天

下無道則禮樂征伐自諸侯出自

諸侯出蓋十世希不失矣
孔安國曰希少

也周幽王為犬戎所殺平王東遷
周始微弱諸侯自作禮樂專征伐

始於隱公至昭公十
世失政死於乾侯也
自大夫出五

世希不失矣
孔安國曰季文子初得政至桓子五世為

家臣陽虎陪臣執國命三世希不

失矣
馬融曰陪重也謂家臣也陽氏為季氏家臣至虎三世而

出奔齊也
天下有道則政不在大夫
孔安

國曰削之
天下有道則庶人不議

由君也
孔子曰無
孔子曰祿之去公室
所非議也

五世矣

鄭玄曰言此之時魯定公之初也魯自東門襄仲殺

文公之子赤而立宣公於是政在大夫爵祿不從君出至定公為五

世也政逮大夫四世矣

鄭玄曰文子武子悼子平

也子故夫三桓之子孫微矣

孔安國曰三桓

者謂仲孫叔孫季孫也三卿皆出桓公也故曰三桓也仲孫氏改其

氏稱孟氏至哀公皆衰也孔子曰益者三友損

者三友友直友諒友多聞益矣友

便僻

馬融曰便巧辟人所忌以求容媚也

友善柔

馬融

曰面柔也

友便佞損矣

鄭玄曰便佞謂佞而辨也

孔子曰益者三樂損者三樂樂節

禮樂

動靜得禮樂之節也

樂導人之善樂多

賢友益矣樂驕樂

孔安國曰恃尊貴以即恣也

樂佚遊

王肅曰佚遊出入不知節也

樂宴樂損

矣

孔安國曰宴樂沉荒淫瀆也三者自損之道也

孔子曰

待於君子有三愆

孔安國曰愆過也

言未

及之而言謂之躁

鄭玄曰躁不安靜也

言及

之不言謂之隱

孔安國曰隱匿不盡情實也

未

見顏色而言謂之瞽

周生烈曰未見君子顏色

所趣向而便逆先意語者猶瞽者也

孔子曰君子有

三戒少之時血氣未定戒之在色

及其壯也血氣方剛戒之在鬥及

其老也血氣既衰戒之在得

孔安國曰

得貪得也

孔子曰君子有三畏畏天命

順吉逆凶

畏大人

大人即聖人與天地合其德者

也。畏聖人之言。

深遠不可易知。則聖人之言也。小

人不知天命而不畏也。

知畏也。

狎大人。

直而不肆。故狎之也。

侮聖人之言。

不可

小知故侮之也。

孔子曰：生而知之者，上也。

學而知之者，次也。困而學之，又其

次也。

孔安國曰：困，謂有所不通之也。

困而不學，民

斯為下矣。孔子曰：君子有九思：視

思明，聽思聰，色思溫，貌思恭，言思

忠，事思敬，疑思問，忿思難，見得思

義。孔子曰：見善如不及，見不善如

探湯，吾見其人矣，吾聞其語。

孔安國曰：

探湯，喻去惡疾也。

隱居以求其志，行義以

達其道吾聞其語矣未見其人也

齊景公有馬千駟死之日民無得

而稱焉

孔安國曰千駟四千匹也

伯夷死齊餓

于首陽之下

馬融曰首陽山在河東蒲坂華山之北

曲之中也

民到于今稱之其斯謂與

王肅

曰此所謂以德為稱者也

陳亢問於伯魚曰子

亦有異聞乎

馬融曰以為伯魚孔子之子所聞當有異

也

對曰未也嘗獨立

孔安國曰獨立謂孔子也

鯉趨

趨

而過庭曰學詩乎對曰未也

曰不學詩無以言也鯉退而學詩

他日又獨立鯉趨而過庭曰學禮

乎對曰未也不學禮無以立也鯉

退而學禮聞斯二矣陳亢退喜曰

問一得三聞詩聞禮又聞君子之

遠其子也邦君之妻君稱之曰夫

人夫人自稱曰小童邦人稱之曰

君夫人稱諸異邦曰寡小君異邦

人稱之亦曰君夫人也孔安國曰小君君夫

人之稱也對異邦謙故曰寡小君
當此時諸侯嫡妾不正稱號不審

故孔子正
言其禮也


論語卷第八 經一千七百七十四字
注一千九百七十七字


本云朱點墨點手加躬加了

建治二年九月廿七日

嘉曆三年孟夏十九日

筆者禪澄也





漢書門
二〇七三
類
函
架
冊